

20

Na osnovu člana 41 f. Ustava Srednjobosanskog kantona i člana 15 a. Zakona o Vladi Srednjobosanskog kantona, Skupština Kantona, a na prijedlog Vlade, na sjednici održanoj dana 05.09.1996. godine donosi

ZAKON O SUDSKIM TAKSAMAMA

I. OPĆE ODREDBE

Član 1

U postupku pred općinskim i kantonalnim sudom (u daljnjem tekstu: sudovi) plaćaju se sudske takse (u daljnjem tekstu: takse) po odredbama ovog zakona i Tarife sudskih taksa koja je sastavni dio ovog zakona (u daljnjem tekstu: Zakon).

Član 2

Sudske takse propisane ovim zakonom dužne su platiti osobe po čijem prijedlogu ili u čijem se interesu poduzimaju radnje (obveznik sudskih taksa).

Za podneske i za zapisnike koji ih zamjenjuju, taksu je dužna platiti osoba koja ih podnosi, odnosno osoba po čijem se zahtjevu zapisnik sastavlja. Za odluke suda stepena sudsku taksu dužan je platiti tužitelj, a za sudsku nagodbu obje stranke ako se drugačije ne sporazumiju.

Kad su ovim zakonom dvije ili više osoba obavezane platiti sudsku taksu zajedno, ova njihova obaveza je solidarna.

Član 3

Ako ovim zakonom nije drukčije propisano, obaveza plaćanja sudskih taksa nastaje:

- 1) za podneske - kad se predaju, a za podneske predate na zapisnik - kad je zapisnik završen.
 - 2) za sudske prijepise - kad se zatraže.
 - 3) za sudske odluke - kad se objavljuju, a ako stranka nije prisutna objavljivanju ili ako odluka nije objavljena - kad se stranci ili njezinom zastupniku uruči prijepis odluke.
 - 4) za sudsku nagodbu - kad se zaključi.
 - 5) za paušalnu taksu u postupku stečaja, odnosno redovne likvidacije nad pravnim osobama - kada odluka o glavnoj diobi postane pravomoćna, a u postupku prisilne nagodbe izvan stečaja - kad rješenje kojim se odobrava zaključena nagodba postane pravomoćna.
 - 6) za ostale radnje - kad se zatraži njihovo poduzimanje, odnosno kad sud počne postupati.
- Taksa se plaća kad nastane obaveza plaćanja takse, ako ovim zakonom nije drugačije propisano.

Član 4

Taksa za podneske u upravnim sporovima o zdravstvenim, penzionim i invalidskim stvarima, o stvarima starateljstva, usvojenja i socijalne pomoći, plaća se samo ako tužba bude pravomoćno odbijena ili odbačena.

Taksena obaveza za podneske iz prethodnog stava nastaje u roku od 15 dana od dana prijema naloga za plaćanje takse.

Taksa za presudu u upravnom sporu plaća se samo kad sud odbije tužbu.

Član 5

Takse predviđene ovim zakonom plaćaju se taksenim markama, u gotovom novcu, ili uplatom na žiroračun.

Do izdavanja taksenih maraka sudske takse se plaćaju u gotovom novcu na blagajni suda ili uplatom na žiroračun.

Sudska taksa se plaća u gotovom novcu ako iznos takse nije veći od 20 DM, a preko tog iznosa na žiroračun.

Sudske takse su prihod Budžeta Kantona.

Član 6

Potvrda o uplati takse iz prethodnog člana u gotovom novcu prilaže se uz podnesak za koji je plaćena, a kad se podnosi potvrda o plaćenju taksi za sudsku odluku-obveznik sudske takse dužan je naznačiti broj odluke za koju se taksa plaća.

Član 7

Taksene marke lijepe se na podnesku, odnosno sudskom spisu i poništavaju se po propisima o poništavanju taksenih maraka.

Član 8

Kod plaćanja takse određene u procentu vrši se zaokruživanje ukupnog iznosa.

Član 9

Neplaćena ili nedovoljno plaćena taksa ne zadržava tok sudskog postupka, ako ovim zakonom nije drugačije propisano.

Ako stranka zahtijeva, sud je dužan primiti neposredno od stranke i podneske za koje nije plaćena ili je u nedovoljnom iznosu plaćena taksa.

U slučajevima iz prethodnog stava taksa se naplaćuje na način predviđen u članovima 39-44 ovog zakona.

Član 10

Pravo na naplatu takse po ovom zakonu zastarijeva za dvije godine po isteku godine u kojoj je taksu trebalo platiti.

II. OSLOBAĐANJE OD PLAĆANJA TAKSE

Član 11

Oslobađanje od plaćanja takse u parničnom postupku daje se na osnovu odredaba čl. 172-178 Zakona o parničnom postupku ("Službeni list SFRJ" br. 4/77, 6/80, 36/80, 43/82, 69/82, 58/84, 74/87).

Pod uvjetima iz članova 172, 173 i 176 Zakona o parničnom postupku daje se oslobađanje od plaćanja taksa u izvanparničnom i izvršnom postupku, u krivičnom postupku po privatnoj tužbi i u postupku u upravnim stvarima.

Član 12

Strana država i strani državljani oslobađaju se od plaćanja taksa u sudskom postupku, ako je to predviđeno međunarodnim ugovorom ili pod uvjetom uzajamnosti.

Član 13

Oslobodeni su od plaćanja taksa:

1. Federacija, Kanton, jedinice lokalne samouprave i uprave
2. tijela ili osobe u obavljanju javnih ovlaštenja
3. humanitarne organizacije
4. radnici u radnim sporovima.

Član 14

Oslobađanje od plaćanja takse dato u parničnom, izvanparničnom i krivičnom postupku kao i u postupku u upravnim stvarima, važi i u postupku izvršenja odluka donesenih u tim postupcima, ako se izvršenje predloži u roku od tri mjeseca od dana pravomoćno okončanog postupka.

Oslobađanje od plaćanja takse u izvanparničnom postupku i izvršnom postupku važi i u parničnom postupku koji nastane u toku i povodom izvršnog ili izvanparničnog postupka.

Član 15

Rješenje o oslobađanju od plaćanja takse primjenjuje se od dana kad je sudu podnesen prijedlog za oslobađanje i važi za sve podneske i radnje za koje je po odredbama (člana 3 i 4) ovog zakona nastala takseni obaveza tog dana ili kasnije.

U slučajevima iz člana 4 ovog zakona, oslobađanje od plaćanja takse obuhvata i podneske podnesene prije prijedloga za oslobađanje od plaćanja takse, ako je prijedlog podnesen prije isteka roka određenog za plaćanje takse.

Član 16

U postupku po prijedlogu za oslobađanje od plaćanja takse uvjerenje o imovinskom stanju može se uzeti u obzir samo ako od izdavanja uvjerenja do podnošenja prijedloga za oslobađanje nije proteklo više od šest mjeseci.

Ako sudski postupak traje duže od dvije godine, osoba oslobođena od plaćanja takse dužna je po isteku druge i svake daljnje godine podnijeti novo uvjerenje o imovinskom stanju.

Član 17

U postupku za ostvarivanje prava po radnom osnovu, radnik ne plaća taksu za podneske i priloge niti za odluke i druge akte u tom postupku.

Član 18

Staratelj odsutne osobe čije je boravište nepoznato, i staratelj o imovini čiji je vlasnik nepoznat, kao i od suda postavljeni privremeni zastupnik stranke u postupku, nisu dužni plaćati takse za osobe koje zastupaju. Naplata ovih taksa vrši se iz imovine osobe koja je zastupana.

Član 19

Oslobađanje od plaćanja takse koristi samo osobi kojoj je priznato oslobađanje.

Kad više osoba zajednički predaju podnesak ili zajednički poduzimaju radnje u postupku, a jedna ili više njih su oslobođeni plaćanja takse, osoba koja nije oslobođena plaćanja takse dužna je platiti taksu kao da nema oslobođenih osoba, osim u slučajevima formalnog suparništva iz člana 196 stav 1 tačka 2 Zakona o parničnom postupku.

Član 20

Ako u parničnom i izvršnom postupku ili u krivičnom postupku po privremenoj tužbi stranka koja je oslobođena od plaćanja takse uspije u postupku, takse koje bi ona bila dužna platiti da nije bila oslobođena od plaćanja takse, platit će stranka koja ne uživa oslobađanje od plaćanja takse i to u razmjeru u kojoj je oslobođena stranka uspjela u postupku.

Ako stranke u postupku zaključe sudsku nagodbu, taksu za sudsku nagodbu koju bi imala platiti oslobođena stranka platit će stranka koja nije u toj stvari oslobođena plaćanja takse.

Kad postoje uvjeti iz člana 177 stav 4 Zakona o parničnom postupku, sud može naplatiti taksu od stranke koja je oslobođena plaćanja takse, bez obzira na odredbu stava 1 ovog člana.

III. UTVRĐIVANJE VRIJEDNOSTI RADI NAPLATE SUDSKIH TAKSA

I. U parničnom postupku

Član 21

U parničnom postupku takse se plaćaju prema vrijednosti predmeta spora.

Vrijednost predmeta spora radi naplate takse (osnovica sudskih taksa) utvrđuje se prema vrijednosti koju ima predmet spora u vrijeme podnošenja tužbe.

Član 22

Ako se jednom tužbom obuhvati više zahtjeva protiv istog tuženika, bez obzira da li se svi zahtjevi zasnivaju na istoj činjeničnom i pravnom osnovu ili ne, osnovica sudskih taksa određuje se prema zbiru vrijednosti svih zahtjeva.

U slučaju suparničarstva u smislu odredbe člana 196 stav 1 tačka 2 Zakona o parničnom postupku, osnovica sudskih taksa određuje se prema vrijednosti svakog pojedinog zahtjeva.

Osnovica sudskih taksa u slučajevima iz člana 188 stav 2 i člana 197 stav 2 Zakona o parničnom postupku, određuje se prema zahtjevu čija je vrijednost veća.

Član 23

U diobenim parnicama kao osnovica kod taksa uzima se vrijednost onog dijela imovine koji tužilac traži da mu se izdvoji djelidbom iz zajedničke imovine.

Ako je predmet spora nasljedno pravo na cijeloj ostavini, kao osnovica taksa uzima se vrijednost čiste ostavine, a ako je predmet spora samo dio ostavine ili određena stvar iz ostavine, kao osnovica taksa uzima se čista vrijednost tog dijela, odnosno te stvari.

Član 24

Osnovica sudskih taksa u vlasničkim i posjedovnim sporovima o nepokretnostima određuje se prema prometnoj vrijednosti stvari koja je predmet spora, ali ne može biti manja:

- 1) za zemljišta - od trogodišnjeg iznosa katastarskog prihoda sa tog zemljišta
- 2) za zgrade ili posebne dijelove zgrada - od trogodišnjeg iznosa stanarine odnosno zakupnine.

Član 25

U parnicama u kojima je predmet spora izvršenje kakve radnje, ili nečinjenje, ili izjava volje, ili utvrđivanje da postoji ili ne postoji neko pravo ili pravni odnos, ili da se utvrdi istinitost ili neistinitost nekê isprave, kao osnovica sudske takse uzima se iznos koji je tužitelj označio u tužbi, s tim da taj iznos ne može biti manji od 25 DM.

Član 26

U parnicama za poništenje presude izabranog suda (čl. 484 i 485 Zakona o parničnom postupku) kao osnovica sudskih taksa uzima se iznos koji je stranci dosuđen, a ako se tužbeni zahtjev ne odnosi na novčani iznos, mjerodavna je vrijednost koju je tužilac označio u tužbi, ali iznos te vrijednosti ne može biti manji od 300 DM.

U parnicama za proglašenje prestanka važnosti ugovora o izbornom sudu (čl. 475 i 478 Zakona o parničnom postupku) kao osnovica sudskih taksa uzima se iznos od 650 DM.

Član 27

Kao osnovica sudskih taksa uzima se:

- 1) u sporovima o utvrđivanju ili osporavanju očinstva iznos od 50 DM
- 2) u sporovima o utvrđivanju postojanja ili nepostojanja braka, o poništenju braka ili razvodu braka iznos od 50 DM
- 3) u sporovima o utvrđivanju reda prvenstva potraživanja u izvršnom postupku - visina potraživanja, ali ne u iznosu većem od 300 DM.

Ako se zajedno s brakorazvodnim sporom ili sporom o

utvrđivanju očinstva raspravlja i o zahtjevu za izdržavanje djeteta ili jednog od supružnika, naplaćivat će se samo jedna taksa i to prema vrijednosti prema kojima se naplaćuje taksa za brakorazvodni spor, odnosno za spor o utvrđivanju očinstva.

Član 28

Ako se prema odredbama člana 21 do 27 ovog zakona ne može utvrditi osnovica sudske takse, taksa će se naplaćivati na vrijednost u iznosu od 300 DM.

Član 29

Kad je plaćanje takse na pravni lijek mjerodavna vrijednost predmeta spora za čije je rješenje u prvom stepenu nadležan općinski sud, taksa za pravni lijek plaća se prema osnovici takse utvrđenoj ovim zakonom.

Član 30

Ako tuženik prigovori da je u tužbi visoko označena vrijednost predmeta spora, sud će rješenjem odrediti vrijednost. Ovaj prigovor tuženik može istaći najkasnije do svršetka pripremnog ročišta, a ako pripremno ročište nije održano - na pravom ročištu za glavnu raspravu, dok se nije upustilo u raspravljanje.

Sud može i po službenoj dužnosti utvrditi vrijednost predmeta spora ako smatra da je vrijednost označena u tužbi niska.

Ovo ispitivanje vrijednosti sud može poduzeti najkasnije do početka raspravljanja o glavnoj stvari.

Protiv rješenja iz prethodnih stavova dopuštena je žalba po odredbama Zakona o parničnom postupku.

2. U izvršnom postupku

Član 31

U izvršnom postupku plaća se taksa prema vrijednosti zahtjeva koji treba ispuniti ili osigurati.

Pri utvrđivanju vrijednosti zahtjeva shodno se primjenjuju odredbe ovog zakona koje važe za utvrđivanje vrijednosti spora u parničnom postupku.

Parnični troškovi, odnosno troškovi postupka i sporedna potraživanja uzimaju se u obzir samo ako su ti troškovi i potraživanja sami predmet zahtjeva koji treba izvršiti ili osigurati.

Ako je izvršnom postupku prethodila parnica o istom zahtjevu, kao vrijednost zahtjeva za naplatu takse u izvršnom postupku uzima se vrijednost predmeta utvrđena u parnici, ako se ne zahtjeva manji iznos.

Član 32

U postupku za izvršenje za izdržavanje djeteta kao vrijednost mjerodavna za naplatu takse ne može se uzeti iznos veći od 50 DM.

Član 33

Kad naznačelj izvršenja ne naznači vrijednost mjerodavnu za naplatu takse, a ta vrijednost nije utvrđena po prethodnim odredbama, uzima se kao osnovica takse iznos od 50 DM.

Član 34

U postupku izvršenja primjenjivat će se shodno odredbe člana 30 ovog zakona.

3. U postupku u upravnim stvarima

Član 35

Ako u ovom zakonu i Taksenoj tarifi nije drugačije određeno u postupku o upravnim stvarima plaća se taksa prema vrijednosti predmeta spora, ako je predmet spora

procjenjiv.

Procjenjiv je predmet upravnog spora čija se vrijednost može sa sigurnošću utvrditi, o čemu sud odlučuje po slobodnoj ocjeni.

Vrijednost predmeta procjenjivog upravnog spora utvrđuje se shodno odredbama ovog zakona o utvrđivanju vrijednosti predmeta spora u parničnom postupku.

Član 36

U postupku u upravnim stvarima primjenjivat će se shodno odredbe člana 30 ovog zakona.

4. U ostalim postupcima

Član 37

Kada je u stečajnom postupku, postupku redovne likvidacije i postupku prisilne nagodbe za plaćanje takse mjerodavna vrijednost zahtjeva, za utvrđivanje vrijednosti shodno će se primjenjivati odredbe ovog zakona koje važe za parnični postupak, ako u Taksenoj tarifi nije drugačije određeno.

5. Promjena vrijednosti u toku postupka

Član 38

Prvobitna vrijednost ostaje kao osnovica sudskih taksa bez obzira što se ta vrijednost promijenila u toku postupka, ako ovim članom i Taksenom tarifom nije drukčije propisano.

Ako sud u smislu odredaba člana 30 ovog zakona utvrdi novu vrijednost, ta nova vrijednost uzima se kao osnovica takse kad se rješenje suda o tome saopšti strankama.

Kada se vrijednost promijeni uslijed promjene zahtjeva ili djelomičnog rješenja zahtjeva, kao osnovica takse uzima se promijenjena vrijednost za sve podneske i radnje poslije takve promjene. Ako se vrijednost promijenila uslijed izjave stranke u podnesku, po promijenjenoj vrijednosti plaća se taksa i za taj podnesak.

Ako se pravnim lijekom pobija odluka samo u jednom dijelu, kao osnovica takse za pravni lijek uzima se vrijednost samo pobijanog dijela.

Ako pravni lijek ulažu obje stranke, taksa za pravni lijek određuje se posebno za svaku stranku prema vrijednosti onog dijela odluke koji se pravnim lijekom pobija.

U statusnim sporovima, u sporovima za utvrđivanje i u sporovima u kojima se tužbeni zahtjev ne odnosi na novčani iznos, kao osnovica takse za pravni lijek mjerodavna je vrijednost prema kojoj je plaćena taksa za tužbu.

Za pravni lijek koji se ulaže samo protiv odluke o troškovima postupka ili sporednim potraživanjima taksa se plaća samo prema iznosu troškova postupka ili sporednih potraživanja.

IV. POSTUPAK ZA NAPLATU NEPLAĆENE TAKSE

Član 39

Ako je stranka prisutna sudskoj radnji za koju je dužna platiti taksu, a taksu ne plati odmah, sud će je upozoriti da je dužna platiti taksu u roku od 15 dana i skrenuti će joj pažnju na posljedice neplaćanja takse u ovom roku (čl. 41 ovog zakona). Isto tako će sud postupiti i kad stranka neposredno predaje sudu podnesak za koji nije plaćena sudska taksa ili je taksa plaćena u nedovoljnom iznosu.

Ako stranka nije prisutna sudskoj radnji za koju je dužna platiti taksu ili poštom dostaviti podnesak za koji

nije plaćena propisana taksa, sud će pozvati stranku da plati taksu u roku od 15 dana od dana dostave naloga i upozorit će je na posljedice neplaćanja takse u tom roku (čl. 41 ovog zakona).

Član 40

Kad je taksu dužna platiti osoba koja boravi ili ima sjedište u inozemstvu bez obzira da li je strani državljanin ili ne, a taksu nije platila u trenutku nastanka obaveze, sud će voditi popis neplaćenih taksa i po okončanju postupka izdat će nalog za plaćanje takse, s tim da rok za plaćanje takse ne može biti kraći od 30 niti duži od 90 dana.

Član 41

Ako obaveznik takse taksu ne plati u roku određenom u članu 39 i 40 ovog zakona, sud će zatražiti od nadležnog općinskog tijela poreske uprave na čijem području se nalazi prebivalište, odnosno sjedište taksenog obaveznika, prisilnu naplatu takse.

Po prijemu zahtjeva nadležno općinsko tijelo poreske uprave donijet će rješenje kojim će taksenom obavezniku naložiti da u roku od 15 dana od dana prijema rješenja plati dužnu taksu, kao i 50% te takse na ime kaznene takse.

Ako obaveznik takse u ovom roku ne plati taksu, pristupit će se prisilnoj naplati obje takse. Naplata prisilnim putem vrši se propisima o prisilnoj naplati poreza.

Kaznene taksa iz prethodnog stava ne može biti veća od 250 DM

Član 42

Ako obaveznik takse nema prebivalište, odnosno sjedište na području Kantona, sud će zahtjev iz stava 1 prethodnog člana dostaviti nadležnom općinskom tijelu poreske uprave na čijem se području nalazi imovina taksenog obaveznika.

Član 43

Ako je obaveznik sudske takse pravna osoba, sud će rješenjem utvrditi iznos neplaćene takse i kaznene takse i rješenje dostaviti organizaciji koja obavlja poslove platnog prometa kod koje se vodi žiroračun obaveznika takse, radi naplate takse.

Protiv rješenja iz stava 1 ovog člana pravna osoba može uložiti žalbu u roku od 15 dana od dana dostave rješenja.

Žalba ne zadržava naplatu takse.

Član 44

Ako neplaćena taksa u jednom predmetu čija je odluka postala pravomoćna ne prelazi iznos od 10 DM, sud neće poduzimati mjere iz člana 39 - 43 ovog zakona.

V. VRAĆANJE TAKSE

Član 45

Osoba koja je platila taksu koju nije bila dužna platiti ili je platila taksu u iznosu većem od propisanog, kao i osoba koja je platila taksu, a sudska radnja iz bilo kojih razloga nije izvršena, ima pravo na vraćanje takse.

Postupak za vraćanje takse pokreće se na zahtjev stranke.

Rješenje o vraćanju takse donosi, u roku od 30 dana od dana podnesenog zahtjeva, nadležno općinsko tijelo uprave, na čijem se području nalazi sjedište suda.

Član 46

Zahtjev za vraćanje takse podnosi se sudu koji je rješavao u prvom stepenu. Zahtjev sa mišljenjem i potrebnim spisima sud će dostaviti nadležnom općinskom

tijelu uprave u sjedištu suda kod kojeg je taksa plaćena.

Član 47

Stranka ima pravo na vraćanje plaćene takse za tužbu ili žalbu ako u postupku u upravnim stvarima upravni akt po tužbi bude poništen, ili ako odluka prvostepenog suda po žalbi bude ukinuta, ili preinačena, ili ako se dozvoli obnova postupka, ili ako po zahtjevu u smislu odredbe člana 20 Zakona o upravnim sporovima ("Službeni list SFRJ" br. 4/77) odluka suda bude ukinuta, poništena ili preinačena.

Odredbe članova 45 i 46 ovog zakona primjenjuju se i u slučaju vraćanja takse po prethodnom stavu.

VI. NADZOR NAPLATE TAKSE

Član 48

Nadzor nad provedbom odredaba ovog zakona vrši Poreske uprave.

VII. PRIJELAZNE I ZAVRŠNE ODREDBE

Član 49

Za podneske, radnje i isprave po kojima je taksena obaveza nastala do dana stupanja na snagu ovog zakona, taksa se plaća po dosadašnjim propisima i Taksenoj tarifi.

Član 50

Danom stupanja na snagu ovog zakona prestaje važiti Uredba o sudskim taksama ("Narodni list HR HB" br. 1/94) i Zakona o sudskim taksama Republike Bosne i Hercegovine ("Sl. list br. 17/93, 6/94 i 13/94).

Član 51

Ovaj zakon stupa na snagu osmog dana od dana objave u "Službenim novinama Srednjobosanskog kantona".

Broj: 01/1-002-311/96.
05. septembra 1996. godine
Travnik

PREDSJEDAVAJUĆI
SKUPŠTINOM

Midhat Karadžić, s.r.

TARIFA SUDSKIH TAKSA

I. PARNIČNI I IZVRŠNI POSTUPAK

I. PODNESCI

Tarifni broj 1

a) Za tužbu, za protutužbu, i za prijedlog za ponavljanje postupka plaća se prema vrijednosti predmeta spora sljedeća taksa:

| | | | |
|-------|----------|--------------|----------|
| | | do 50 DM | 5 DM |
| preko | 50 DM | do 100 DM | 10 DM |
| preko | 100 DM | do 200 DM | 15 DM |
| preko | 200 DM | do 400 DM | 30 DM |
| preko | 400 DM | do 800 DM | 45 DM |
| preko | 800 DM | do 1.200 DM | 60 DM |
| preko | 1.200 DM | do 1.800 DM | 80 DM |
| preko | 1.800 DM | do 2.400 DM | 100 DM |
| preko | 2.400 DM | do 3.000 DM | 120 DM |
| preko | 3.000 DM | do 10.000 DM | na svaku |

započetu marku još 1,5%, a preko 10.000 DM još 1%, a najviše 500 DM.

b) Za tužbu u sporovima uzdržavanja, plaća se taksa u iznosu od 10 DM.

c) Za tužbu za utvrđivanje i osporavanje očinstva, plaća se taksa u iznosu od 10 DM.

d) Za tužbu zbog smetanja posjeda, plaća se taksa u iznosu od 50 DM.

e) Za tužbu zbog iseljenja iz stana i za otkaz ugovora o korištenju stana, plaća se taksa u iznosu od 50 DM.

f) Za tužbu zbog otkaza ugovora o najmu ili zakupu stvari i za tužbu o otkazu ugovora o zakupu poslovnih prostorija, plaća se taksa u iznosu od 60 DM.

g) Za prijedlog da se dozvoli izvršenje ili osiguranje, ili da se izda privremena mjera za prigovor protiv platnog naloga za prijedlog za povraćaj u prijašnje stanje ili za prijedlog za osiguranje dokaza, za odgovor na žalbu ili reviziju, plaća se polovica takse iz tačke a) ovog tarifnog broja.

h) Za žalbu ili reviziju presude i za žalbu protiv rješenja u sporovima zbog smetanja posjeda, plaća se dvostruka taksa iz tačke a) ovog tarifnog broja.

i) Za žalbu ili reviziju presude i za žalbu protiv rješenja plaća se taksa iz tačke a) ovog tarifnog broja.

NAPOMENA:

1. Za tužbu u kojoj je stavljen prijedlog za izdavanje platnog naloga, plaća se polovica takse iz tačke 1 ovog tarifnog broja.

2. Za podnesak primljen na zapisnik kod suda, kao i za podnesak na zapisnik u toku rasprave, plaća se taksa predviđena za odnosni podnesak. Ne plaća se posebna taksa za prepisivanje iz tarifnog broja 29 ove tarife, ako je zapisnik trehalo sastaviti u više primjeraka.

3. Kad je već u tužbi stavljen prijedlog za izdavanje privremene mjere, odnosno naredbe ili kad se u žalbi stavi prijedlog za povraćaj u prijašnje stanje, plaća se pored takse za tužbu, odnosno žalbu i taksa za odnosni prijedlog.

4. Za prijedlog da se dozvoli izvršenje ili osiguranje ili da se izda privremena mjera, odnosno naredba, plaća se jedna taksa i kad se predloži istodobno ili naknadno više sredstava izvršenja, odnosno osiguranja.

5. Ako je u kom od podnesaka navedenih u ovom tarifnom broju stavljen zahtjev za upis u zemljišne knjige, neće se naplaćivati i taksa predviđena za podnesak kojim se traži upis u zemljišnu knjigu.

6. Za prijedlog za pokušaj nagodbe, plaća se polovica takse iz tačke a) ovog tarifnog broja.

7. Za prijedlog kojim se daje otkaz ugovora o zakupu poslovnih prostorija, plaća se polovica takse iz tačke a) ovog tarifnog broja.

8. Za prijedlog da se prizna odluka inozemnog suda u statusnim stvarima, odnosno utvrdi da je odluka inozemnog suda podobna za izvršenje, plaća se taksa u iznosu od 15 DM, a na žalbu protiv rješenja donesenog o prijedlogu 25 DM.

9. Za žalbu protiv rješenja prvostepenog suda plaća se taksa samo ako se žalbom pobija rješenje koje podliježe plaćanju takse po tarifnom broju 2.

10. Za žalbu protiv rješenja kojim se usvaja ili odbija prijedlog za povraćaj u prijašnje stanje, plaća se polovica takse iz tačke a) ovog tarifnog broja, ali ne više od 50 DM.

11. Za podneske koji nisu navedeni u ovom tarifnom broju, kao i za priloge uz podneske, ne plaća se taksa.

2. ODLUKE

Tarifni broj 2

a) Za prvostepenu presudu plaća se taksa prema osnovici sudskih taksa iz tačke a) tarifnog broja 1.

b) Za presudu zbog izostanka kao i za presudu na osnovu priznanja donesene najkasnije na pripremnom ročištu, odnosno na prvom ročištu za glavnu raspravu, ako pripremno ročište nije održano, plaća se polovica takse iz

tačke a) ovog tarifnog broja.

c) Za rješenje o odbacivanju tužbe koje se donosi po članu 288 stava 2 Zakona o parničnom postupku ili u toku prvostepenog postupka, plaća se polovica takse iz tačke a) ovog tarifnog broja, ali ne više od 50 DM.

d) Za rješenje o izdavanju platnog naloga plaća se polovica takse iz tačke a) ovog tarifnog broja.

e) Za rješenje o prijedlogu za dozvolu izvršenja ili osiguranja za rješenje o izdavanju privremene mjere odnosno naredbe, plaća se polovica takse iz tačke a) ovog tarifnog broja.

f) Za rješenje kojim se usvaja ili odbija prijedlog za povraćaj u prijašnje stanje plaća se polovica takse iz tačke a) ovog tarifnog broja, ali ne više od 50 DM.

g) Za rješenje o prijedlogu za priznanje odluke inozemnog suda u statusnim sporovima, odnosno utvrđenje da je odluka inozemnog suda podobna za izvršenje, plaća se taksa u iznosu od 50 DM.

NAPOMENA:

1. Obaveze plaćanja takse za prvostepenu odluku ne ovise od toga da li je odluka postala pravomoćna.

2. Za prvostepene odluke koje nisu navedene u ovom tarifnom broju, kao i za odluke suda drugog i trećeg stepena, ne plaća se taksa.

3. Ako viši sud ukinu odluku nižeg suda i predmet uputi na novo raspravljanje nižem sudu, plaćena taksa za ukinutu odluku uračunava se u taksu za novu odluku ili za nagodbu.

4. Ovako će se postupiti i kad Vrhovni sud Federacije uvaži zahtjev za zaštitu zakonitosti.

Isto tako uračunat će se taksa plaćena za prvostepenu odluku koja je ukinuta u vezi s usvojenim prijedlogom za povraćaj u prijašnje stanje ili prijedloga za ponavljanje postupka, u taksu za novu odluku koja bude donesena poslije povraćaja u prijašnje stanje, odnosno ponavljanje postupka. U slučaju uračunavanja, ako je taksa plaćena za prvu odluku veća od takse koju treba platiti za drugu odluku, neće se vraćati razlika ovih taksa.

4. Za dopunsku presudu ili rješenje neće se plaćati taksa ako je za odluku koja je dopunjena plaćena taksa prema punoj osnovici takse.

5. Ako je u toku parnice donesena međupresuda, plaća se taksa na puni iznos osnovice takse. U takvom slučaju neće se plaćati taksa za konačnu odluku koja bude donesena poslije međupresude.

6. Ako je u toku parnice donesena djelimična presuda, plaća se taksa prema vrijednosti zahtjeva o kome je odlučeno. Taksa za konačnu odluku plaća se prema vrijednosti ostatka spornog predmeta koji nije obuhvaćen djelimičnom presudom.

7. Taksa za izdavanje platnog naloga uračunava se u taksu za odluku suda koja bude donesena povodom prigovora protiv platnog naloga, odnosno u taksu za nagodbu, ako se spor ne završi presudom.

8. Taksa za odluku po prijedlogu za izdavanje privremene mjere, odnosno naredbe kao i taksa za odluku povodom žalbe kojoj je stavljen prijedlog za izdavanje platnog naloga (član 446 i 447 Zakona o parničnom postupku) plaća se prilikom podnošenja prijedloga, odnosno tužbe.

9. Taksa iz tačke c) ovog tarifnog broja ne plaća se za rješenje o odbacivanju tužbe, koje se donese u toku prethodnog ispitivanja tužbe (član 282 Zakona o parničnom postupku).

10. Za prvostepenu presudu suda prvog stepena, koja je donesena u vezi sa protutužbom, plaća se taksa kao da je o protutužbi već raspravljano.

11. Ako je više parnica spojeno radi zajedničkog raspravljavanja, taksa za presudu, plaća se posebno za svaku parnicu, kao da ne postoji spajanje više parnica.

3. SUDSKA NAGODBA**Tarifni broj 3**

Za sudsku nagodbu u toku prvostepenog postupka plaća se prema vrijednosti na koju su se stranke nagodile, polovica takse iz tačke a) tarifnog broja 2.

NAPOMENA:

1. Ako je međupresudom odlučeno o osnovu zahtjeva, a potom se zaključi nagodba o iznosu zahtjeva, ne plaća se taksa za nagodbu.

2. Za prvi prijepis zapisnika o nagodbi koji se izdaje stranci na njen zahtjev, ne plaća se taksa.

3. Ako je predmet nagodbe neprocjenjiv, na nagodbu se plaća 25 DM takse.

II. VANPARNIČNI POSTUPAK**A. OPĆE ODREDBE****Tarifni broj 4**

Za prijedlog kojim se pokreće postupak u izvanparničnoj stvari, plaća se taksa u iznosu od 15 DM.

NAPOMENA:

1. Taksa iz ovog tarifnog broja plaća se u vanparničnim postupcima koji nisu predviđeni u tarifnim brojevima 7-12 ove taksene tarife.

2. U svim vanparničnim postupcima primjenjivat će se sukladno odredbi tačke 5 napomene uz tarifni broj 1.

Tarifni broj 5

Za odluku suda u vanparničnoj stvari, plaća se taksa u iznosu od 15 DM.

NAPOMENA:

1. Taksa iz ovog tarifnog broja plaća se u vanparničnim postupcima koji nisu predviđeni u tarifnom broju 7-12 ove taksene tarife.

2. U svim vanparničnim postupcima primjenjivat će se sukladno odredbe napomena 1, 2 i 3 uz tarifni broj 2.

Tarifni broj 6

Za sudsku nagodbu u svim vanparničnim stvarima, plaća se taksa iz tarifnog broja 3 ove taksene tarife.

Tarifni broj 7

a) Za žalbu protiv odluke suda prvog stepena u vanparničnoj stvari, ukoliko narednom tačkom ovog tarifnog broja nije za pojedine vanparnične stvari drukčije određeno, plaća se 15 DM.

b) Za žalbu protiv:

- odluke o prijedlogu da se provede dioba zajedničke imovine, plaća se 30 DM

- odluke o prijedlogu za uređenje međa, plaća se 30 DM.

B. POSEBNE ODREDBE ZA POJEDINE VRSTE VANPARNIČNOG POSTUPKA**I. POSTUPAK ZA RASPRAVLJANJE OSTAVINE****Tarifni broj 8**

Za raspravljanje ostavine plaća se taksa u vrijednosti čiste ostavine i to:

| | | | |
|-------|----------|--------------------------------|--------|
| | | do 150 DM | 15 DM |
| preko | 150 DM | do 250 DM | 35 DM |
| preko | 250 DM | do 750 DM | 50 DM |
| preko | 750 DM | do 1.250 DM | 75 DM |
| preko | 1.250 DM | do 5.000 DM | 100 DM |
| preko | 5.000 DM | do na svaku započetu marku još | |
| | | 1% a najviše 150 DM. | |

NAPOMENA:

1. Taksa se plaća samo ako je postupak za raspravljanje ostavine završen donošenjem rješenja o nasljeđivanju.

2. Taksu plaćaju nasljednici u omjeru nasljednih dijelova.

3. Prilikom utvrđivanja čiste vrijednosti ostavine dobit će se ostaviteljevi dugovi, troškovi pogreba ostavitelja, legati, i drugi tereti, troškovi popisa i procjene ostavine i drugi troškovi.

4. Ne plaća se posebna taksa za diobu nasljedstva ako nasljednici sporazumno predlože diobu i sporazum o diobi bude unesen u rješenje o nasljeđivanju.

5. Za prijedlog da se provede ostavinska rasprava za druge podneske u toku postupka za raspravljanje ostavine ne plaća se taksa.

2. SASTAVLJANJE I ČUVANJE OPORUKE**Tarifni broj 9**

a) Za sastavljanje sudske oporuke, plaća se taksa u iznosu od 20 DM.

b) Za čuvanje oporuke u sudu i za opozivanje oporuke pred sudom, plaća se taksa u iznosu od 30 DM.

c) Za vraćanje oporuke koja se nalazi na čuvanju u sudu, plaća se taksa u iznosu od 10 DM.

NAPOMENA:

Taksa iz tačke a) i b) ovog tarifnog broja plaća se bez obzira da li je oporuka sastavljena, odnosno opozvana u sudskoj zgradi ili izvan sudske zgrade.

2. Za vraćanje oporuke koja se zamjenjuje, plaća se taksa po tački c) ovog tarifnog broja.

3. Ne plaća se taksa po ovom tarifnom broju:

a) za čuvanje oporuke, kada se vrši zamjena oporuke koja se čuva,

b) za čuvanje isprava o usmenoj oporuci,

c) za uzimanje izjava svjedoka usmene oporuke o volji ostavitelja,

d) za opozivanje oporuke pred sudom ako se kasnije oporukom opozove ranija i ujedno sastavlja nova oporuka.

3. POSTUPAK ZA DIOBU**Tarifni broj 10**

Za prijedlog da se provede dioba zajedničke imovine, plaća se taksa u iznosu od 20 DM.

4. POSTUPAK ZA UREĐENJE MEĐA**Tarifni broj 11**

Za prijedlog za uređenje međa, plaća se taksa u iznosu od 20 DM.

5. OVJERA POTPISA, RUKOPISA, PRIJEPISA I PRIJEVODA**Tarifni broj 12**

a) Za podnesak kojim se traži ovjera potpisa, rukopisa ili prijepisa, plaća se taksa u iznosu od 10 DM.

b) Za ovjeru svakog potpisa (rukoznaka), plaća se taksa u iznosu od 10 DM.

c) Za ovjeru prijepisa, plaća se taksa za prvu stranicu 10 DM, a za svaku slijedeću 5 DM.

d) Za ovjeru rukopisa, plaća se taksa za prvu stranicu 10 DM, a za svaku slijedeću 5 DM.

e) Za ovjeru potpisa sudskog tumača na prijevodima, plaća se taksa u iznosu od 10 DM.

f) Za ovjeru potpisa na punomoći, plaća se taksa u iznosu od 10 DM.

g) Za ovjeru potpisa na ugovorima, plaća se taksa prema vrijednosti označenoj u ugovoru i to:

| | | | |
|-------|----------|---------------------------------|-------|
| | | do 250 DM | 25 DM |
| preko | 250 DM | do 500 DM | 50 DM |
| preko | 500 DM | do 2.500 DM | 75 DM |
| preko | 2.500 DM | vrijednosti 0,5%, a najviše 100 | |

DM

- ako je vrijednost neprocjenjiva, 50 DM.

h) Za podnesak, odnosno ovjeru produženja roka važenja ugovora, plaća se 50% od iznosa iz tačke b) ovog tarifnog broja.

NAPOMENA:

1. Potpisi na ispravi koju izdaje državni organi, potpisi ovlaštenih osoba za potpisivanje preduzeća ili pravnih lica smatraju se kao jedan potpis, ako su u propisima ili pravilima ovlaštene za potpisivanje dvije ili više osoba.

2. Za podnesak kojim se traži ovjera potpisa (rukoznaka) na ispravi plaća se jedna taksa bez obzira koliko se potpisa (rukoznaka) na ispravi ovjerava.

3. Kad stranka preda sudu, u toku postupka, prost prijepis isprave na kome radnik suda svojim potpisom potvrdi da je vidio izvornik, za takvu potvrdu ne plaća se taksa.

4. Za ovjeru potpisa (rukoznaka) i pečata plaća se jedna taksa.

5. Ako se jednim podneskom traži ovjera potpisa (rukoznaka) na više isprava, plaća se taksa na podnesak onoliko puta koliko ima isprava ili rukopisa.

6. Kad je vrijednost ugovora procjenjiva, ali nije u ugovoru naznačena, za ovjeru potpisa na ugovoru plaća se dvostruka taksa iz tačke g) alineja 2. ovog tarifnog broja.

7. Ako se ovjerava prijepis isprave pisane na stranom jeziku, plaća se dvostruka taksa iz taček c) ovog tarifnog broja.

8. Za ovjeru potpisa na punomoći, odnosno ugovoru, plaća se jedna taksa, bez obzira da li se ovjerava jedan ili više potpisa.

III. ZEMLJIŠNO-KNJIŽNI POSTUPAK

I. PODNESCI

Tarifni broj 13

Za podnesak kojim se traži upis prava vlasništva, upis ili brisanje uknjižbe, zabilježbe ili predbilježbe, kao i upis prava korištenja na nekretninama u društvenom vlasništvu, plaća se taksa od 25 DM.

NAPOMENA:

1. Ako se jednim podneskom traži upis ili brisanje prava kod više sudova ili kad u slučaju zajedničkog založnog prava, treba provesti upise i u sporednim ulošcima kod raznih sudova, bez obzira što stranke u svom podnesku izričito ne traže te upise, plaća se taksa onoliko puta koliko ima sudova kod kojih upis i brisanje treba izvršiti.

2. Ne plaća se taksa iz ovog tarifnog broja u stvarima nevedenim u tački 6 napomene uz tarifni broj 14 pod c), f), g), i), m) i n).

2. UPIS

Tarifni broj 14

a) Za uknjižbu ili predbilježbu prava vlasništva, ako pravni posao ili osnov sticanja nekretnine, na osnovi čega se ima izvršiti upis, ne podliježu porezu na promet nekretnina prava, plaća se taksa u iznosu od 50 DM.

b) Za uknjižbu ili predbilježbu prava vlasništva po osnovu ugovora o darovanju i stvarnog prava stečenog po osnovu dospelosti, plaća se taksa u iznosu od 50 DM.

c) Za uknjižbu ili predbilježbu stvarnih prava i njima jednakih prava, izuzev prava iz tačke a) i b) ovog tarifnog broja plaća se na ime takse:

- ako je predmet prava procjenjiv 25 DM

- ako je predmet prava neprocjenjiv 25 DM

- za upis prava upravljanja na zgradama i drugim nekretninama 25 DM

d) Za zabilježbu prinudne uprave i dozvolu prinudne prodaje, ako za isto potraživanje već nije upisano založno pravo na nekretninama plaća se na ime takse 25 DM.

e) Za zabilježbu prvenstvenog reda i knjiženje ustupanja prvenstva, kao i za ostale zabilježbe, plaća se taksa u iznosu od 25 DM.

NAPOMENA:

1. Taksu za upis dužna je platiti osoba u čiju se korist vrši upis. Ako upis traži osoba čije se pravo ograničava, opterećuje, ukida ili na drugu osobu prenosi, plaća taksu solidarno s osobom u čiju korist se vrši upis.

2. Ako se na osnovu jednog zahtjeva upisuje više prava u korist jedne iste osobe kod istog suda, taksa se plaća onoliko puta koliko se upisa traži

3. Taksa za upis se plaća i kad se upis vrši po službenoj dužnosti, ako se ne radi o upisu koji je oslobođen plaćanja takse.

4. Taksa za upis plaća se i kad se upis vrši u toku parničnog, vanparničnog i izvršnog postupka.

5. Ako se upis uknjižbe ili predbilježbe odlukom višeg suda u cjelosti ili djelimično ukine ili izmijeni, vraća se na zahtjev cjelokupno plaćena taksa, odnosno njen srazmjerani dio.

6. Ne plaća se taksa za slijedeće upise:

a) za upis opravdanja predbilježbe

b) za potpuno ili djelimično brisanje nekog upisnog prava

c) za službene radnje u postupku uređenja, osnivanja i ispravljanja zemljišnih knjiga, osim ako je greška nastala krivnjom titulara prava, kao i za usklađivanje zemljišnih knjiga s faktičkim stanje, te u postupku komasacije. U ovim postupcima oslobađanje se odnosi na sve podneske, uloške i priloge, molbe za izdavanje katastarskih planova i posjedovnih listova, razne potvrde i ovjeravanje prijepisa. Ovo oslobađanje vrijedi i za postupak za obnavljanje uništenih zemljišnih knjiga, ako se vjerodostojnom ispravom utvrdi da je upis prije bio proveden i da je prema tome bila plaćena taksa u taj upis.

d) Za ponovni upis istog, makar djelimično i utmulog prava usljed parničnog ili izvršnog postupka, u korist iste osobe.

e) Za upis istog prava, makar djelimično i utmulog, na više nekretnina koje se vode u knjigama jednog suda ili više sudova, za prijenos istog prava s jedne nekretnine na drugu nekretninu istog vlasnika, za ograničenje ili sužavanje istog prava na jedan dio iste nekretnine, za proširenje istog prava i na druge nekretnine istog vlasnika, za proširenje

zajedničkog jamstva na pojedina zemljišno-knjižna tijela. To oslobađanje vrijedi samo onda ako nisu nastupile promjene u pogledu opsega prava ili ovlaštene osobe.

f) Za provedbu diobe prava vlasništva ili prava produžavanja, ako su dioničari bili upisani kao suvlasnici, odnosno suovlaštenici tih prava. To oslobađanje vrijedi i u slučaju diobe porodičnih zadruga na zadrugare, ako je zadruga bila upisana kao vlasnik u zemljišnim knjigama.

g) Za upis na osnovu rješenja o nasljeđivanju

h) za upis založnog prava na nekretnini jamca ako je to pravo već upisano i na nekretnini glavnog dužnika i ako je za taj upis plaćena taksa

i) za sve upise u korist administrativno-teritorijalnih zajednica

j) za zabilježbu privremene uprave određene u toku postupka prisilne javne prodaje, kao i za zabilježbu prisilne uprave određene umjesto prisilne javne prodaje

k) za naknadni upis suvlasništva bračnog druga na osnovu sudske odluke, ako je jedan od bračnih drugova upisan kao vlasnik u zemljišnim knjigama, kao i za upis kojim se označuje idealni dio svakog bračnog druga na nekretninama koje su u njihovu suvlasništvu

l) za upis prava vlasništva na bivšim kmetskim selištima. To oslobađanje vrijedi samo za one osobe i njihove nasljednike koji su to zemljište držali prije razrješenja kmetskih odnosa, a ne i za osobe koje su zemljište stekle kupnjom, i odnosi se na sve podneske, isprave i dokumente koji se pribavljaju radi dokazivanja prava vlasništva na tom zemljištu

m) za sve upise u zemljišne knjige na osnovu Zakona o agrarnoj reformi i kolonizaciji, Zakona o poljoprivrednom (zemljišnom) fondu društvene svojine i dodjeljivanja zemlje poljoprivrednim organizacijama, Zakona o nacionalizaciji najamnih zgrada i građevinskog zemljišta

n) za sve upise u vezi sa zamjenom zemljišta u svrhu arondacije kao i na osnovu Zakona o eksproprijaciji

o) za upis založnog prava novčanih zavoda ili radnih organizacija za zajmove radnicima zaposlenim u zemlji ili u inozemstvu kod inozemnih poslodavaca, penzionerima i invalidima za gradnju, adaptaciju ili kupnju stanova i stambenih zgrada

p) za upis u zemljišne knjige novosagrađenih stambenih objekata na građevinskom zemljištu, stečeno pravo korištenja, kao i za uknjižbu prava vlasništva na ovim objektima.

7. Oslobađanje iz tačke 6 pod d), e) i f) važi samo ako je taksa za prvi put plaćena.

8. Za žalbu protiv odluka suda plaća se dvostruka taksa iz ovog tarifnog broja

3. IZAZIVAČKI POSTUPAK

Tarifni broj 15

Za rješenje povodom prigovora vjerovnika protiv otcjepljenja dijela nekretnine ili zamjene zemljišta u izazivačkom postupku po pravilima o zemljišno-knjižnim diobama, otpisima i prijenosima plaća se taksa u iznosu od 25 DM.

NAPOMENA:

1. Taksu iz ovog tarifnog broja plaća osoba koja je pokrenula postupak za besteretni otpis dijela zemljišnog tijela.

IV. KRIVIČNI POSTUPAK PO PRIVATNOJ TUŽBI

I. PODNESCII

Tarifni broj 16

a) Za privatnu tužbu ili protutužbu, plaća se taksa u iznosu od 20 DM.

b) Za prijedlog za povrat u prijašnje stanje, plaća se taksa u iznosu od 20 DM.

c) Za zahtjev za ponavljanje krivičnog postupka, plaća se taksa u iznosu od 20 DM.

NAPOMENA:

1. Za naknadni podnesak kojim se krivični postupak proširuje na druga krivična djela protiv istog okrivljenog, koja se gone po privatnoj tužbi, plaća se taksa po tački a) ovog tarifnog broja.

2. ODLUKA

Tarifni broj 17

Za presudu suda i za rješenje kojim se izriče sudska opomena, plaća se taksa u iznosu od 20 DM.

NAPOMENA:

1. Taksa na presudu plaća se samo jednom, bez obzira na broj privatnih tužitelja i broj krivičnih djela koja su presudom obuhvaćena.

2. Ako su za više krivičnih djela jedne osobe zbog razdvajanja postupka donesene posebne presude suda, taksa se plaća samo jednom.

3. Ako je presudom odbijena tužba zbog nenadležnosti suda, uračunat će se plaćena taksa za ovu presudu uz taksu za presudu nadležnog suda.

4. Ako je naplaćena taksa veća, višak se neće vratiti. Ako se presuda uslijed žalbe, prijedloga za povrat u prijašnje stanje ili ponavljanje krivičnog postupka ukine, uračunat će se taksa plaćena za ukinutu presudu u taksu za novu presudu.

5. Za odluke suda koje nisu navedene u ovom tarifnom broju, ne plaća se taksa.

V. TAKSE U POSTUPKU PRISILNE NAGODBE, REDOVNE LIKVIDACIJE I STEČAJA

I. PODNESCII

Tarifni broj 18

a) Za prijedlog da se otvori postupak prisilne nagodbe redovne likvidacije i stečaja, plaća se taksa u iznosu od 100 DM

b) Za prijavu vjerovnika u postupku redovne likvidacije i stečaja, plaća se prema vrijednosti potraživanja:

| | | |
|----------------|-------------|--------|
| | do 250 DM | 25 DM |
| preko 250 DM | do 5.000 DM | 50 DM |
| preko 5.000 DM | vrijednosti | 100 DM |

c) Za prijavu vjerovnika u postupku prisilne nagodbe plaća se polovica takse iz prethodne tačke.

d) Za žalbu protiv odluke stečajnog vijeća u stečajnom postupku i u postupku redovne likvidacije, odnosno vijeća nagodbe u postupku za prisilnu nagodbu plaća se taksa u iznosu od 100 DM.

NAPOMENA:

1. Kao osnova za plaćanje takse na prijave vjerovnika uzima se iznos potraživanja koji vjerovnik prijavljuje. Ako vjerovnik prijavi više potraživanja taksa se plaća na ukupan iznos tih potraživanja. Ako vjerovnik naknadno snizi prijavljeno potraživanje, taksa se plaća prema visini sniženog potraživanja od trenutka sniženja.

2. Taksa se ne plaća:

a) za podneske stečajnog upravnika.

b) za podneske koji nisu naznačeni u ovom tarifnom broju i za prijedloge uz podneske.

c) taksa po ovom tarifnom broju i tarifnom broju 19 plaća se u postupku stečaja, redovne likvidacije i u postupku prisilne nagodbe.

2. PAUŠALNA TAKSA

Tarifni broj 19

Paušalna taksa plaća se:

1) stečajnom postupku, postupku redovne likvidacije i u postupku prisilne nagodbe od zbira iznosa koji su upotrijebljeni ili stoje na raspolaganju za podmirenje dugova stečajne mase 1,75%.

NAPOMENA:

1. Paušalna taksa smatra se kao dug stečajne, odnosno likvidacijske mase. Ovu taksu dužan je položiti stečajni upravnik nakon pravomoćnosti rješenja o glavnoj ili naknadnoj diobi.

2. Ako je poduzeta sanacija, plaća se polovica paušalne takse iz ovog tarifnog broja. Taksu je dužna platiti pravna osoba za koju je poduzeta sanacija. Ova taksa se plaća prema zagarantovanom iznosu sanatora.

3. Paušalnu taksu za prisilnu nagodbu plaća pravna osoba u čiju korist je odobrena nagodba.

4. Paušalna taksa po ovom tarifnom broju plaća se u roku od 15 dana od dostave naloga za plaćanje takse.

VI. UPIS U SUDSKI REGISTAR

1. PODNESCI

Tarifni broj 20

Za podnesak za upis u sudski registar subjekata upisa, plaća se taksa u iznosu od 15 DM.

NAPOMENA:

1. Taksa po ovom tarifnom broju ne plaća se za podnesak kojim se prijavljuje upis otvaranja postupka za prisilnu nagodbu, redovne likvidacije i stečaja.

2. Ako se jednim podneskom traži više upisa za isti subjekt upisa, plaća se samo jedna taksa ovog tarifnog broja.

3. Za podneske koji nisu navedeni u ovom tarifnom broju kao i za priloge uz podneske, ne plaća se taksa.

2. UPIS U REGISTAR

Tarifni broj 21

a) Za upis akta o osnivanju subjekata upisa, plaća se taksa u iznosu od 200 DM.

b) Za upis akta konstituiranja subjekata upisa, plaća se taksa u iznosu od 50 DM.

c) Za upis osobe ovlaštene za zastupanje subjekta upisa, bez obzira da li se vrši promjena već upisanih osoba ili ne, plaća se za svaki subjekt upisa po 30 DM.

d) Za upis svake nastale promjene upisanih podataka u registar, plaća se 30 DM.

NAPOMENA:

1. Ako se jednim podneskom traži više upisa, plaća se taksa za svaki upis.

2. Za upis promjene osobe ovlaštene za zastupanje, plaća se samo taksa iz tačke d) ovog tarifnog broja.

3. Taksa iz tačke c) ovog tarifnog broja plaća se samo ako se upis osoba ovlaštenih za zastupanje tvrtke traži

poslije upisa akta o organiziranju ili osnivanju subjekata upisa.

3. OBJAVLJIVANJE

Tarifni broj 22

Za dostavljanje upisanih podataka radi objave u "Službenim novinama Kantona", plaća se 10 DM.

VII. POSTUPAK U UPRAVNIM STVARIMA

1. PODNESCI

Tarifni broj 23

a) Za tužbu protiv upravnog akta, plaća se 20 DM.

b) Za tužbu za ponavljanje postupka, plaća se 20 DM.

NAPOMENA:

1. Po ovom tarifnom broju plaća se taksa u upravno-računskom sporu.

2. U sporovima u deviznim stvarima plaća se taksa povećana za 50%.

2. ODLUKE

Tarifni broj 24

Za presudu u postupku u pravnim stvarima plaća se:

a) Kad je predmet spora procjenjiv, od vrijednosti spornog predmeta 1%, a najviše 100 DM.

b) Kad je predmet spora neprocjenjiv 50 DM.

NAPOMENA:

1. Taksa iz tačke a) ovog tarifnog broja ne može biti manja od 20 DM.

2. Ako je predmet spora djelimično procjenjiv, a djelimično neprocjenjiv, taksa se plaća kao da je predmet procjenjiv.

3. Kad se radi o sporovima iz zdravstvenog, penzionog i invalidskog osiguranja, starateljstva, usvojenja i socijalne zaštite, taksa na presudu plaća se kao da je predmet neprocjenjive vrijednosti.

VIII. POSEBNI SLUČAJEVI

1. SUDSKA UVJERENJA I POTVRDE

Tarifni broj 25

a) Za podnesak kojim se traži izdavanje uvjerenja, plaća se 5 DM.

b) Za uvjerenje, plaća se 5 DM.

NAPOMENA:

1. Ako se jednim uvjerenjem posvjedočava više činjenica, odnosa ili okolnosti, plaća se jedna taksa.

2. Za potvrdu da je taksa izdana u obliku uvjerenja plaća se taksa po ovom tarifnom broju. Ne plaća se taksa ako se izdaje samo priznanica o plaćenju taksi.

3. Ne plaća se taksa iz ovog tarifnog broja za potvrde koje sud izdaje stranci, svjedoku, vještaku ili tumaču da su bili prisutni ročištu i bili obavezni na to.

4. Taksi iz stava 1 ovog tarifnog broja podliježu i svi naknadni podnesci kojima se dopunjava ili mijenja prvobitni podnesak.

5. Ako se uvjerenje izdaje u dva ili više primjeraka, za drugi i svaki slijedeći primjerak plaća se polovica takse iz ovog tarifnog broja.

2. PUNOMOĆ**Tarifni broj 26**

- a) Za izdavanje usmene punomoći na zapisnik pred sudom, plaća se 5 DM.
b) Za usmeno opozivanje ili otkaz punomoći pred sudom, plaća se 5 DM.
c) Za sudsku obavijest o opozivu ili otkazu punomoći, plaća se 5 DM.

NAPOMENA:

1. Ako više osoba ovlaštenih za potpisivanje pravne osobe izdaje punomoć jednom zastupniku, plaća se taksa za jednu punomoć.
2. Ne plaća se taksa za pismenu punomoć koja se podnosi neovjerena sudu za dokaz o zastupanju.
3. Ne plaća se taksa iz ovog tarifnog broja za izdavanje usmene punomoći na zapisnik pred sudom o krivičnom postupku za djela koja se gone po službenoj dužnosti i u postupku po privrednim prijestupima.
4. Za izdavanje usmene punomoći po tački a) ovog tarifnog broja plaća se jedna taksa i kad više osoba istodobno izdaju punomoć jednoj ili većem broju osoba.

3. RAZMATRANJE SPISA**Tarifni broj 27**

Za razmatranje dovršenih sudskih spisa plaća se 2 DM.

4. PRIJEPIS**Tarifni broj 28**

- a) Za pismeni ili usmeni zahtjev da se izvrši prijepis sudskog akta plaća se 10 DM.
b) Za prepisivanje sudskih akata, kao i za prepisivanje akta iz zbirke isprava koje je sud izvršio na zahtjev stranke, plaća se od svake započete stranice originala 10 DM.
c) Ako se istodobno sudski prijepis ovjerava, plaća se posebna taksa za ovjeravanje 10 DM.

NAPOMENA:

1. Ako se prepisivanje vrši na stranom jeziku, plaća se dvostruka taksa iz ovog tarifnog broja.
2. Za prijepis zapisnika rasprave koji je izrađen istodobno sa sastavljanjem samog originala (prijem, margu) plaća se polovica takse iz tačke a) ovog tarifnog broja.

5. IZVODI IZ SUDSKOG REGISTRA**Tarifni broj 29**

Za izvode iz sudskog registra, ako se izdaju na zahtjev stranke, plaća se po stranici 10 DM.

NAPOMENA:

1. Kad je izvod sačuvala sama stranka i podnijela ga sudu na potvrdu, plaća se polovica takse iz ovog tarifnog broja.
2. Za pismeni ili usmeni zahtjev stranke da joj se izda izvod, ne plaća se taksa.

6. IZVOD IZ JAVNIH KNJIGA**Tarifni broj 30**

Za izvod iz zemljišnih knjiga ili drugih javnih knjiga

koje vodi sud, ako se izdaju na zahtjev stranke, plaća se taksa u iznosu od 10 DM.

7. SUDSKI DEPOZIT**Tarifni broj 31**

Za čuvanje (depozit) novca, stvari i papira od vrijednosti na zahtjev stranke, plaća se godišnje za svaku započetu DM vrijednosti 1%.

NAPOMENA:

1. Ova taksa ne plaća se na depozit koji se polaže na zahtjev državnih organa ako se podigne u roku.
2. Taksa se plaća za prvu godinu unaprijed, a za ostale godine prilikom podizanja depozita. Započeta godina računa se kao cijala. U slučaju prijenosa depozita iz jednog u drugi sud na zahtjev deponenta, za prijenos se plaća iznos jednogodišnje takse.
3. Ako se vrijednost stvari ne može procijeniti po njihovoj prirodi, procjenu će izvršiti vještak o trošku depozita.

8. PROTESTI**Tarifni broj 32**

a) Za molbu za protest mjenice, čeka i drugih isprava ili ugovora zbog neakceptiranja, neisplate ili neispunjenja, plaća se taksa u iznosu od 10 DM.

b) Za proteste plaća se taksa prema vrijednosti i to:

| | | |
|----------------|-------------|--------|
| od 50 DM | do 250 DM | 20 DM |
| preko 250 DM | do 500 DM | 40 DM |
| preko 500 DM | do 2.500 DM | 60 DM |
| preko 2.500 DM | do 5.000 DM | 100 DM |
| preko 5.000 DM | | 150 DM |

NAPOMENA:

1. Taksa iz ovog tarifnog broja plaća se na proteste koji se podnose po propisima o mjenici i čeku, kao i na zamjene protesta.
2. Ako se jednom molbom traži više protesta, odnosno zamjene protesta, plaća se jedna taksa za molbu, ali se i u tom slučaju plaća posebna taksa za svki protest, odnosno zamjenu protesta.

9. PRAVNA POMOĆ**Tarifni broj 33**

a) Za podnesak koji se predaje usmeno na zapisnik pred sudom, plaća se taksa predviđena u tarifi za odnosni podnesak.

b) Za sastavljanje pred sudom ugovora o zemljišnoknjižnim stvarima, plaća se prema vrijednosti naznačenoj u ugovoru, slijedeća taksa:

| | | |
|--------------|---------------------------|-------|
| do 100 DM | 20 DM | |
| preko 100 DM | do 200 DM | 40 DM |
| preko 200 DM | još 1%, a najviše 150 DM. | |

Ako je vrijednost ugovora neprocjenjiva, plaća se taksa u iznosu od 50 DM.

NAPOMENA:

1. Pored takse iz tačke b) ovog tarifnog broja plaća se i taksa za odnosni podnesak, kao i taksa za upis u zemljišnu knjigu, ako se istodobno sa sastavljanjem ugovora traži i upis.

2. Prilikom sastavljanja ugovora po tački b) ovog tarifnog broja ne plaća se taksa za ovjeru potpisa po tarifnom broju 12.

3. Uz tačku b) ovog tarifnog broja važi tačka 7 napomene uz tarifni broj 12.

10. OSTALI PREDMETI

Tarifni broj 34

a) Za prijedlog stranke da sud postavi suca ili predsjednika izbornog suda (član 475 stav 1 i 2 Zakona o parničnom postupku), plaća se 20 DM.

b) Za prijedlog za izuzeće suca izbornog suda (član 477 Zakona o parničnom postupku) plaća se 5 DM.

c) Za sastavljanje potvrde o pravomoćnosti i izvršnosti presude izabranog suda, plaća se 10 DM.

Tarifni broj 35

Za opomenu kojom se obaveznik takse poziva da plati taksu koju je bio dužan platiti i bez opomene, plaća se taksa u iznosu od 10 DM.



19

Na temelju poglavlja V, odjeljka B, članka 47 d) Ustava Županije Središnja Bosna, donosim

U K A Z

o proglašenju Zakona o sudskim pristojbama

Proglašava se Zakon o sudskim pristojbama koji je donio Sabor Županije Središnja Bosna na sjednici od 05.09.1996. godine.

Broj: 02/1-011-101/96.
07. rujna 1996. godine
Travnik

ŽUPAN
ŽUPANIJE
SREDIŠNJA BOSNA

Ivan Šarić, v.r.



20

Na temelju članka 41 f. Ustava Županije i članka 15 a. Zakona o Vladi Županije, Sabor Županije, a na prijedlog Vlade, na sjednici održanoj dana 05.09.1996. godine donio je

Z A K O N O SUDSKIM PRISTOJBAMA

I. OPĆE ODREDBE

Članak 1

U postupku pred općinskim i županijskim sudom (u daljnjem tekstu: sudovi) plaćaju se sudske pristojbe (u daljnjem tekstu: pristojbe) po odredbama ovog zakona i Tarifi sudskih pristojbi koja je sastavni dio ovog zakona (u daljnjem tekstu: Zakon)

Članak 2

Sudske pristojbe propisane ovim zakonom dužne su platiti osobe po čijem prijedlogu ili u čijem se interesu poduzimaju radnje (obveznik sudskih pristojbi).

Za podneske i za zapisnike koji ih zamjenjuju pristojbu je dužna platiti osoba koja ih podnosi, odnosno osoba po čijem se zahtjevu zapisnik sastavlja. Za odluke suda prvog stupnja sudsku pristojbu dužan je platiti tužitelj, a za sudsku nagodbu obje stranke ako se drukčije ne sporazumiju.

Kad su ovim zakonom dvije ili više osoba obvezane

platiti sudsku pristojbu zajedno, ova njihova obveza je solidarna.

Članak 3

Ako ovim zakonom nije drukčije propisano, obveza plaćanja sudskih pristojbi nastaje:

1) za podneske - kad se predaju, a za podneske predate na zapisnik - kad je zapisnik završen

2) za sudske prijepise - kad se zatraže

3) za sudske odluke - kad se objavljuju, a ako stranka nije nazočna objavljivanju ili ako odluka nije objavljena - kad se stranki ili njezinom zastupniku uruči prijepis odluke

4) za sudsku nagodbu - kad se zaključi

5) za paušalnu pristojbu u postupku stečaja, odnosno redovite likvidacije nad pravnim osobama - kada odluka o glavnoj diobi postane pravomoćna, a u postupku prisilne nagodbe izvan stečaja - kad rješenje kojim se odobrava zaključena nagodba postane pravomoćna

6) za ostale radnje - kad se zatraži njihovo poduzimanje, odnosno kad sud počne postupati.

Pristojba se plaća kad nastane obveza plaćanja pristojbe, ako ovim zakonom nije drukčije propisano.

Članak 4

Pristojba za podneske u upravnim sporovima o zdravstvenim, mirovinskim i invalidskim stvarima, o stvarima skrbništva, usvojenja i socijalne pomoći, plaća se samo ako tužba bude pravomoćno odbijena ili odbačena.

Pristojbena obveza za podneske iz prethodne stavke nastaje u roku od 15 dana od dana primitka naloga za plaćanje pristojbe.

Pristojba za presudu u upravnom sporu plaća se samo kad sud odbije tužbu.

Članak 5

Pristojbe predviđene ovim zakonom plaćaju se pristojbenim markama, u gotovom novcu, ili uplatom na žiroračun.

Do izdavanja pristojbenih maraka sudske pristojbe se plaćaju u gotovom novcu na blagajni suda ili uplatom na žiroračun.

Sudska pristojba se plaća u gotovom novcu ako iznos pristojbe nije veći od 20 DM, a preko tog iznosa na žiroračun.

Sudske pristojbe su prihod Proračuna Županije.

Članak 6

Potvrda o uplati pristojbe iz prethodnog članka u gotovom novcu prilaže se uz podnesak za koji je plaćena, a kad se podnosi potvrda o plaćenju pristojbi za sudsku odluku - obveznik sudskih pristojbi dužan je naznačiti broj odluke za koju se pristojba plaća.

Članak 7

Pristojbene marke lijepe se na podnesku, odnosno sudskom spisu i poništavaju se po propisima o poništavanju pristojbenih maraka.

Članak 8

Kod plaćanja pristojbe određene u procentu vrši se zaokruživanje ukupnog iznosa.

Članak 9

Neplaćena ili nedovoljno plaćena pristojba ne zadržava tijek sudskog postupka, ako ovim zakonom nije drukčije propisano.

Ako stranka zahtijeva, sud je dužan primiti neposredno od stranke i podneske za koje nije plaćena ili je u nedovoljnom iznosu plaćena pristojba.

123

Na temelju članka 41 Ustava Županije Središnja Bosna (Službene novine Županije Središnja Bosna, broj 1/97), Sabor Županije Središnja Bosna na 4. sjednici od 03.06.1997. godine donosi

**ZAKON
O IZMJENAMA I DOPUNAMA
ZAKONA O SUDSKIM PRISTOJBAMA**

Članak 1

U članku 13 Zakona o sudskim pristojbama dodaje se nova točka 5, koja glasi:

"Obitelji poginulih borovnika u postupku nasljeđivanja deviznih vojnih knjižica pripadnika oružanih snaga Federacije BiH".

Članak 2

U Tarifi sudskih pristojbi, poglavlju IV, tarifni broj 17, dodaje se nova stavka 2 koja glasi:

"Paušalna pristojba u krivičnim postupcima plaća se u iznosu od 10-50 DEM".

Broj: 01/1-012-2005/97 PREDSEDATELJ SABORA
03. lipnja 1997. godine
Travnik Enver Šabić, v.r.

124

Na temelju članka 90 Ustava Županije Središnja Bosna Sabor Županije Središnja Bosna, na prijedlog Vlade, na 4. sjednici od 03.06.1997. godine donosi

**AMANDMAN NA USTAV
ŽUPANIJE SREDIŠNJA BOSNA**

AMANDMAN I

U Ustavu Županije Središnja Bosna mijenja se članak 73 stavka 1 Ustava, tako da glasi:

"Općinsko vijeće ima od 15 do 30 vijećnika".

Ovaj amandman stupa na snagu odmah, a objavit će se u Službenim novinama Županije Središnja Bosna.

Broj: 01/1-012-2006/97 PREDSEDATELJ SABORA
03. lipnja 1997. godine
Travnik Enver Šabić, v.r.

123

Na osnovu člana 41 Ustava Srednjobosanskog kantona ("Službene novine Srednjobosanskog kantona", broj 1/97), Skupština Srednjobosanskog kantona na 4. sjednici od 03.06.1997. godine donosi

**ZAKON
O IZMJENAMA I DOPUNAMA
ZAKONA O SUDSKIM TAKSAMA**

Član 1

U članu 13 Zakona o sudskim taksama dodaje se nova tačka 5, koja glasi:

"Porodice poginulih boraca u postupku nasljeđivanja deviznih vojnih knjižica pripadnika oružanih snaga Federacije BiH".

Član 2

U Tarifi sudskih taksa, poglavlju IV, tarifnom broju 17, dodaje se novi stav 2 koji glasi:

"Paušalna taksa u krivičnim postupcima plaća se u iznosu od 10-50 DEM".

Broj: 01/1-012-2005/97 PREDSEDAVAJUĆI
03. juna 1997. godine SKUPŠTINOM
Travnik Enver Šabić, s.r.

124

Na osnovu člana 90 Ustava Srednjobosanskog kantona Skupština Srednjobosanskog kantona, na prijedlog Vlade na 4. sjednici od 03.06.1997. godine, donosi

**AMANDMAN NA USTAV
SREDNJOBOSANSKOG KANTONA**

AMANDMAN I

U Ustavu Srednjobosanskog kantona mijenja se član 73 stav 1 Ustava, tako da glasi:

"Općinsko vijeće ima od 15 do 30 vijećnika".

Ovaj amandman stupa na snagu odmah, a objavit će se u "Službenim novinama Srednjobosanskog kantona".

Broj: 01/1-012-2006/97 PREDSEDAVAJUĆI
03. juna 1997. godine SKUPŠTINOM
Travnik Enver Šabić, s.r.

87

Na temelju članka 41f) Ustava Županije Središnja Bosna (Službene novine Županije Središnja Bosna, broj 1/97) Sabor Županije Središnja Bosna na sjednici od 29.7.1998. godine donosi

Z A K O N
O IZMJENAMA I DOPUNAMA ZAKONA O
SUDSKIM PRISTOJBAMA

Članak 1

U članku 13 Zakona o sudskim pristojbama (Službene novine Županije Središnja Bosna, broj 2/97) dodaje se nova točka koja glasi:

"6. Povjerenstvo za imovinske zahtjeve raseljenih osoba i izbjeglica".

Članak 2

Ovaj zakon stupa na snagu osmog dana od dana objavljivanja u Službenim novinama Županije Središnja Bosna.

Broj: 01/1-012-113/98
29. srpnja 1998.
Travnik

PREDSJEDATELJ SABORA

Josip Boro, v.r.

**88**

Na temelju članka 50 Ustava Županije Središnja Bosna (Službene novine Županije Središnja Bosna, broj 1/97), te članka 6 Zakona o Vladi Županije Središnja Bosna (Službene novine Županije Središnja Bosna, broj 1/97) dana 26.6.1998. godine donosim

ODLUKU
o razrješenju vršitelja dužnosti
zamjenika ministra financija

Članak 1

MUNSIF GEKIĆ iz Gornjeg Vakufa, vršitelj dužnosti zamjenika ministra financija u Vladi Županije Središnja Bosna, je razriješen te dužnosti.

Članak 2

Ovu odluku objaviti u Službenim novinama Županije Središnja Bosna.

Broj: 02/1-012-140/98
26. lipnja 1998.
Travnik

Suglasan:
Zamjenik župana
Županije Središnja Bosna

Župan
Županije Središnja Bosna

Ivan Šarić, v.r.

Adnan Terzić, v.r.

**87**

Na osnovu člana 41f) Ustava Srednjobosanskog kantona ("Službene novine Srednjobosanskog kantona", broj 1/97), Skupština Srednjobosanskog kantona, na sjednici od 29.7.1998. godine, donosi

Z A K O N
O IZMJENAMA I DOPUNAMA ZAKONA O
SUDSKIM TAKSAMA

Član 1

U članu 13 Zakona o sudskim taksama ("Službene novine Srednjobosanskog kantona", broj 2/97) dodaje se nova tačka koja glasi:

"6. Komisija za imovinske zahtjeve raseljenih lica i izbjeglica"

Član 2

Ovaj zakon stupa na snagu osmog dana od dana objavljivanja u "Službenim novinama Srednjobosanskog kantona".

Broj: 01/1-012-113/98
29. jula 1998. godine
Travnik

PREDSJEDAVAJUĆI
SKUPŠTINOM

Josip Boro, s.r.

**88**

Na osnovu člana 50 Ustava Srednjobosanskog kantona ("Službene novine Srednjobosanskog kantona", broj 1/97) te člana 6 Zakona o Vladi Srednjobosanskog kantona ("Službene novine Srednjobosanskog kantona", broj 1/97), dana 26.6.1998. godine donosim

ODLUKU
o razrješenju vršioca dužnosti
zamjenika ministra finansija

Član 1

MUNSIF GEKIĆ iz Gornjeg Vakufa, vršilac dužnosti zamjenika ministra finansija u Vladi Srednjobosanskog kantona, je razriješen te dužnosti.

Član 2

Ovu odluku objaviti u "Službenim novinama Srednjobosanskog kantona".

Broj: 02/1-012-140/98
26. juna 1998. godine
Travnik

Saglasan:
Zamjenik predsjednika
Srednjobosanskog kantona

Predsjednik
Srednjobosanskog kantona

Ivan Šarić, s.r.

Adnan Terzić, s.r.



Javnom pravobranioocu koji u tom roku ne položi pravosudni ispit prestaje dužnost po sili zakona."

Član 5

Ovaj zakon stupa na snagu osmoga dana od dana objavljivanja u "Službenim novinama Srednjobosanskog kantona".

Broj: 01/1-012-160-1/99
21. decembra 1999.
Travnik

PREDSJEDAVAJUĆI
Ejub Mujić, s.r.

Javnomu pravobranitelju koji u tome roku ne položi pravosudni ispit prestaje dužnost na temelju zakona."

Članak 5

Ovaj zakon stupa na snagu osmoga dana od dana objave u Službenim novinama Županije Središnja Bosna.

Broj: 01/1-012-160-1/99
21. prosinca 1999.
Travnik

PREDSJEDATELJ
Ejub Mujić, v.r.

3

Na osnovu člana 41 Ustava Srednjobosanskog kantona ("Službene novine Srednjobosanskog kantona", broj 1/97, 5/97, 6/97, 2/98, 7/98 i 8/98), na prijedlog Vlade Srednjobosanskog kantona, Skupština Srednjobosanskog kantona je, na VII sjednici održanoj 21.12. 1999. godine, donijela

**ZAKON
O IZMJENAMA I DOPUNAMA
ZAKONA O SUDSKIM TAKSAMA**

Član 1

U članu 11 stav 1 Zakona o sudskim taksama ("Službene novine Srednjobosanskog kantona", broj 2/97, 5/97 i 8/98), riječi: "čl. 172-178 Zakona o parničnom postupku ("Službeni list SFRJ" br. 4/77, 6/80, 36/80, 43/82, 69/82, 58/84, 74/87)." zamjenjuju se riječima: "članova 159-164 Zakona o parničnom postupku ("Službene novine Federacije BiH", broj 42/98).", a u stavu 2 riječi: "članova 172, 173 i 176" zamjenjuju se riječima: "članova 159, 160 i 163".

Član 2

U članu 13 dodaje se tačka 7 koja glasi:
"7. invalidi i porodice poginulih boraca"

Član 3

U članu 19 stav 2 riječi: "člana 196 stav 1 tačka 2" zamjenjuje se riječima: "člana 181 stav 1 tačka 2".

Član 4

U članu 20 stav 3 riječi: "člana 177 stav 4" zamjenjuju se riječima: "člana 164 stav 4".

Član 5

U članu 22 stav 2 riječi: "člana 196 stav 1 tačka 2" zamjenjuju se riječima: "člana 181 stav 1 tačka 2", a u stavu 3 riječi: "člana 188 stav 2 i člana 197 stav 2" zamjenjuju se riječima: "člana 173 stav 2 i člana 182 stav 2".

Član 6

U članu 26 stav 1 riječi: "U parnicama za poništenje presude izabranog suda (čl. 484 i 485 Zakona o parničnom postupku)" zamjenjuju se riječima: "U parnicama za poništenje presude arbitraže (članovi 475 i 476 Zakona o parničnom postupku)", a u stavu 2 riječi: "(čl. 475 i 478 Zakona o parničnom postupku)" zamjenjuju se riječima: "(članovi 465 i 468 Zakona o parničnom postupku)".

3

Na temelju članka 41 Ustava Županije Središnja Bosna (Službene novine Županije Središnja Bosna, broj 1/97), na prijedlog Vlade Županije Središnja Bosna, Sabor Županije Središnja Bosna je na VII. sjednici, održanoj 21. prosinca 1999., donio

**ZAKON
O IZMJENAMA I DOPUNAMA
ZAKONA O SUDSKIM PRISTOJBAMA**

Članak 1

U članku 11 stavku 1 Zakona o sudskim pristojbama (Službene novine Županije Središnja Bosna, broj: 2/97, 5/97 i 8/98) riječi: "čl. 172-178 Zakona o parničnom postupku (Službeni list SFRJ br. 4/77, 6/80, 36/80, 43/82, 69/82, 58/84, 74/87)." zamjenjuju se riječima: "članaka od 159 do 164 Zakona o parničnome postupku (Službene novine Federacije Bosne i Hercegovine, broj 42/98).", a u stavku 2 riječi: "članaka 172, 173 i 176" zamjenjuju se riječima: "članaka 159, 160 i 163".

Članak 2

U članku 13 dodaje se tačka 7 koja glasi:
"7. invalidi i obitelji poginulih branitelja".

Članak 3

U članku 19 stavku 2 riječi: "članka 196 stavke 1 tačka 2" zamjenjuju se riječima: "članka 181 stavka 1 tačke 2".

Članak 4

U članku 20 stavku 3 riječi: "članka 177 stavke 4" zamjenjuju se riječima: "članka 164 stavka 4".

Članak 5

U članku 22 stavku 2 riječi: "članka 196 stavke i tačka 2" zamjenjuju se riječima: "članka 181 stavka 1 tačke 2", a u stavku 3 riječi: "članka 188 stavke 2 i članka 197 stavke 2" zamjenjuju se riječima: "članka 173 stavka 2 i članka 182 stavka 2".

Članak 6

U članku 26 stavku 1 riječi: "U parnicama za poništenje presude izabranog suda (čl. 484 i 485 Zakona o parničnom postupku)" zamjenjuju se riječima: "U parnicama za poništenje presude arbitraže (članci 475 i 476 Zakona o parničnome postupku)", a u stavku 2 riječi: "(čl. 475 i 478 Zakona o parničnom postupku)" zamjenjuju se riječima: "(članci 465 i 468 Zakona o parničnome postupku)".

Član 7

U članu 27 stav 1 tačka 2 umjesto "50 DM" treba stajati "100 KM".

Član 8

U članu 33 umjesto "50 DM" treba stajati "100 KM".

Član 9

U članu 41 stav 4 umjesto "250 DM" treba stajati "500 KM".

Član 10

U članu 47 stav 1 riječi "člana 20 Zakona o upravnim sporovima ("Službeni list SFRJ" br. 4/77)" zamjenjuju se riječima "člana 45 Zakona o upravnim sporovima ("Službene novine Federacije BiH", broj 2/98)".

Član 11

U Tarifi sudskih taksa, u tarifnom broju 2, tačka c) riječi: "članu 288 stava 2" zamjenjuju se riječima: "članu 269".

Član 12

U Napomeni uz tarifni broj 2, u tački 8, riječi: "član 446 i 447" zamjenjuju se riječima: "članovi 437 i 438", a u tački 9 brojka "282" zamjenjuje se brojkom "263".

Član 13

U tarifnom broju 18 tačka d) dodaje se novi stav koji glasi:
"Za odluku u postupku redovne likvidacije i stečaja plaća se taksa u iznosu od 100 KM."

Član 14

U tarifnom broju 21, u tački a) umjesto "200 DM" treba stajati "400 KM", tačka b) se briše, tačka c) postaje tačka b) a iznos "30 DM" zamjenjuje se iznosom "60 KM", tačka d) postaje tačka c) a iznos "30 DM" zamjenjuje se iznosom "60 KM", te se dodaju nove tačke d) i e) koje glase:

"d) Za upisivanje promjena podataka o povećanju osnivačkoga uloga, sudska taksa se plaća na sljedeći način:

1. ako je povećanje osnivačkoga uloga do 100.000 KM, plaća se taksa u iznosu od 30 KM
2. ako je povećanje osnivačkoga uloga od 100.000 KM do 500.000 KM, plaća se taksa u iznosu od 50 KM
3. ako je povećanje osnivačkoga uloga od 500.000 KM i više, plaća se taksa u iznosu od 100 KM

e) Ako subjekt upisa zahtijeva upisivanje više djelatnosti koje prelaze okvir propisanih evidencijskih listova (članovi 4 i 5 Pravilnika o obrascima i načinu upisa u sudski registar subjekata upisa koji se bave privrednom djelatnošću - "Službene novine Federacije BiH", broj 17/98), obavezan je platiti dodatnu taksu, koja se upisuje na nastavku, u iznosu od 5 KM po jednoj djelatnosti."

Član 15

U tarifnom broju 34 tačka a) riječi: "član 475 stav 1 i 2" zamjenjuju se riječima: "član 465 stavovi 1 i 2", a u tački b) riječi: "suca izbornog suda (član 477" zamjenjuju se riječima: "arbitra arbitraže (član 467)".

Članak 7

U članku 27 stavku 1 tački 2 broj "50" zamjenjuje se brojem "100".

Članak 8

U članku 33 broj "50" zamjenjuje se brojem "100".

Članak 9

U članku 41 stavku 4 broj "250" zamjenjuje se brojem "500".

Članak 10

U članku 47 stavku 1 riječi: "članka 20 Zakona o upravnim sporovima (Službeni list SFRJ br. 4/77)" zamjenjuju se riječima: "članka 45 Zakona o upravnim sporovima (Službene novine Federacije Bosne i Hercegovine, broj 2/98)".

Članak 11

U Tarifi sudskih pristojbi, u tarifnome broju 2 tački c) riječi: "članku 288 stavke 2" zamjenjuju se riječima: "članku 269".

Članak 12

U Napomeni uz tarifni broj 2, u tački 8 riječi: "članak 446 i 447" zamjenjuju se riječima: "članci 437 i 438", a u tački 9 broj "282" zamjenjuje se brojem "263".

Članak 13

U tarifnome broju 18 tački d) dodaje se novi stavak koji glasi:
"Za odluku u postupku redovite likvidacije i stečaja plaća se pristojba u iznosu od 100 KM."

Članak 14

U tarifnome broju 21, u tački a) broj "200" zamjenjuje se brojem "400"; tačka b) briše se, tačka c) postaje tačka b) i u njoj se broj "30" zamjenjuje brojem "60"; tačka d) postaje tačka c) i u njoj se broj "30" zamjenjuje brojem "60", te se dodaju tačke d) i e) koje glase:

"d) Za upisivanje promjena podataka o povećanju osnivačkoga uloga, sudska pristojba se plaća na sljedeći način:

1. ako je povećanje osnivačkoga uloga do 100.000 KM, plaća se pristojba u iznosu od 30 KM;
2. ako je povećanje osnivačkoga uloga od 100.000 KM do 500.000 KM, plaća se pristojba u iznosu od 50 KM;
3. ako je povećanje osnivačkoga uloga od 500.000 KM i više, plaća se pristojba u iznosu od 100 KM.

e) Ako subjekt upisa zahtijeva upisivanje više djelatnosti koje prelaze okvir propisanih evidencijskih listova (članci 4 i 5 Pravilnika o obrascima i načinu upisa u sudski registar subjekata upisa koji se bave privrednom djelatnošću - Službene novine Federacije Bosne i Hercegovine, broj 17/98), obavezan je platiti dodatnu pristojbu, koja se upisuje na nastavku, u iznosu od 5 KM po jednoj djelatnosti."

Članak 15

U tarifnome broju 34 tački a) riječi: "članak 475 stavka 1 i 2" zamjenjuju se riječima: "članak 465 stavci 1 i 2", a u tački b) riječi: "suca izbornog suda (članak 477" zamjenjuju se riječima: "arbitra arbitraže (članak 467)".

Član 16

U tekstu Zakona o sudskim taksama oznaka novčane jedinice "DM" zamjenjuje se oznakom "KM".

Član 17

Ovaj zakon stupa na snagu osmoga dana od dana objavljivanja u "Službenim novinama Srednjobosanskog kantona".

Broj: 01/1-012-160-2/99
21. decembra 1999.
Travnik

PREDSJEDAVALAČI
Ejub Mujić, s.r.

4

Na osnovu člana 41 g) Ustava Srednjobosanskog kantona ("Službene novine Srednjobosanskog kantona", broj 1/97, 5/97, 6/97, 2/98, 7/98 i 8/98), na prijedlog Vlade Srednjobosanskog kantona, Skupština Srednjobosanskog kantona je, na VII sjednici održanoj 21.12.1999. godine, donijela

**ZAKON
O IZMJENAMA ZAKONA O POREZIMA
SREDNJOBOSANSKOG KANTONA**

Član 1

U Zakonu o porezima Srednjobosanskog kantona ("Službene novine Srednjobosanskog kantona", broj 4/99), u članu 131 stav 1 riječi: "Komisija za porezne prekršaje Kantonalnog poreznog ureda" zamjenjuju se riječima: "općinski sud za prekršaje".

Član 2

U članu 131 stavu 2 riječi: "Federalno vijeće za prekršaje" zamjenjuju se riječima: "Kantonalni sud za prekršaje Srednjobosanskog kantona".

Član 3

Ovaj zakon stupa na snagu osmoga dana od dana objavljivanja u "Službenim novinama Srednjobosanskog kantona".

Broj: 01/1-012-160-3/99
21. decembra 1999.
Travnik

PREDSJEDAVALAČI
Ejub Mujić, s.r.

Članak 16

U tekstu Zakona o sudskim pristojbama, oznaka novčane jedinice "DM" zamjenjuje se oznakom "KM".

Članak 17

Ovaj zakon stupa na snagu osmoga dana od dana objave u Službenim novinama Županije Središnja Bosna.

Broj: 01/1-012-160-2/99
21. prosinca 1999.
Travnik

PREDSJEDATELJ
Ejub Mujić, v.r.

4

Na temelju članka 41g Ustava Županije Središnja Bosna (Službene novine Županije Središnja Bosna, broj: 1/97, 5/97, 6/97, 2/98 i 8/98), na prijedlog Vlade Županije Središnja Bosna, Sabor Županije Središnja Bosna je na VII. sjednici, održanoj 21. prosinca 1999., donio

**ZAKON
O IZMJENAMA ZAKONA O POREZIMA
ŽUPANIJE SREDIŠNJA BOSNA**

Članak 1

U Zakonu o porezima Županije Središnja Bosna (Službene novine Županije Središnja Bosna, broj 4/99), u članku 131 stavku 1 riječi: "Povjerenstvo za porezne prekršaje Županijskog poreznog ureda" zamjenjuju se riječima: "općinski sud za prekršaje".

Članak 2

U članku 131 stavku 2 riječi: "Federalno vijeće za prekršaje" zamjenjuju se riječima: "Županijski sud za prekršaje Županije Središnja Bosna".

Članak 3

Ovaj zakon stupa na snagu osmoga dana od dana objave u Službenim novinama Županije Središnja Bosna.

Broj: 01/1-012-160-3/99
21. prosinca 1999.
Travnik

PREDSJEDATELJ
Ejub Mujić, v.r.

- "2. Općinski sud Fojnica
- 4 suca i 30 sudaca porotnika
4. Općinski sud Kiseljak
- 5 sudaca i 35 sudaca porotnika
6. Općinski sud Travnik
- 12 sudaca i 40 sudaca porotnika
7. Općinski sud Vitez
- 9 sudaca i 35 sudaca porotnika."

Članak 3.

Ovaj zakon stupa na snagu osmoga dana od dana objave u Službenim novinama Županije Središnja Bosna.

Broj: 01-02-55/02
20. veljače 2002.
Travnik
PREDSJEDATELJ
Marko Vidak, v. r.

55

Na temelju članka 47. stavka 1. točke d) Ustava Županije Središnja Bosna, donosim

**ODLUKU
O PROGLAŠENJU ZAKONA O IZMJENAMA
ZAKONA O SUDSKIM PRISTOJBAMA**

Proglašavam Zakon o izmjenama Zakona o sudskim pristojbama, koji je donio Sabor Županije Središnja Bosna na sjednici 20. veljače 2002.

Broj: 01-02-45/2002
4. ožujka 2002.
Travnik
ŽUPAN
Nedžad Hadžić, v. r.

56

**ZAKON
O IZMJENAMA ZAKONA
O SUDSKIM PRISTOJBAMA**

Članak 1.

U Zakonu o sudskim pristojbama (Službene novine Županije Središnja Bosna, broj: 2/97, 5/97, 8/98 i 1/2000) članak 5. mijenja se i glasi:

"Članak 5.

Pristojbe predviđene ovim zakonom plaćaju se pristojbenim markama ili uplatom na depozitni račun.

Do izdavanja pristojbenih maraka, sudske pristojbe plaćaju se uplatom na depozitni račun.

Sudske pristojbe prihod su županijskoga proračuna."

Članak 2.

Ovaj zakon stupa na snagu osmoga dana od dana objave u Službenim novinama Županije Središnja Bosna.

Broj: 01-02-56/02
20. veljače 2002.
Travnik
PREDSJEDATELJ
Marko Vidak, v. r.

- "2. Općinski sud Fojnica
- 4 suca i 30 sudaca porotnika
4. Općinski sud Kiseljak
- 5 sudaca i 35 sudaca porotnika
6. Općinski sud Travnik
- 12 sudaca i 40 sudaca porotnika
7. Općinski sud Vitez
- 9 sudaca i 35 sudaca porotnika"

Član 3

Ovaj zakon stupa na snagu osmoga dana od dana objavljivanja u "Službenim novinama Srednjobosanskog kantona".

Broj: 01-02-55/02
20. februara 2002.
Travnik
PREDSJEDAVALAČI
SKUPŠTINOM
Marko Vidak, s.r.

55

Na osnovu člana 47 stav 1 tačka d) Ustava Srednjobosanskog kantona, donosim

**UKAZ
O PROGLAŠENJU ZAKONA O IZMJENAMA
ZAKONA O SUDSKIM TAKSAMA**

Proglašavam Zakon o izmjenama Zakona o sudskim taksama, koji je donijela Skupština Srednjobosanskog kantona na sjednici 20. februara 2002. godine.

Broj: 01-02-45/2002
4. marta 2002.
Travnik
PREDSJEDNIK
SREDNJOBOSANSKOG
KANTONA
Nedžad Hadžić, s.r.

56

**ZAKON
O IZMJENAMA ZAKONA O SUDSKIM TAKSAMA**

Član 1

U Zakonu o sudskim taksama ("Službene novine Srednjobosanskog kantona", broj: 2/97, 5/97, 8/98 i 1/2000) član 5 mijenja se i glasi:

"Takse predviđene ovim zakonom plaćaju se taksenim markama ili uplatom na depozitni račun.

Do izdavanja taksenih maraka, sudske takse plaćaju se uplatom na depozitni račun.

Sudske takse prihod su budžeta Srednjobosanskog kantona."

Član 2

Ovaj zakon stupa na snagu osmoga dana od dana objavljivanja u "Službenim novinama Srednjobosanskog kantona".

Broj: 01-02-56/02
20. februara 2002.
Travnik
PREDSJEDAVALAČI
SKUPŠTINOM
Marko Vidak, s.r.